

Prima Pars
Summae Theologiae
Sancti Thomae Aquinatis
Quaestio Sexta
De Bonitate Dei

Japanese translation
by Yoshinori UEEDA

Last modified 2026 年 8 月 3 日

第六問 神の善性について

Deinde quaeritur de bonitate Dei. Et circa hoc 次に、神の善性について問われる。そしてこれにか
quaeruntur quatuor. んして、4つのことが問われる。

- | | |
|---|----------------------|
| 1. utrum esse bonum conveniat Deo. | 1. 善であることは神に適合するか。 |
| 2. utrum Deus sit summum bonum. | 2. 神は最高善か。 |
| 3. utrum ipse solus sit bonus per suam essentiam. | 3. 神だけが、自己の本質によって善か。 |
| 4. utrum omnia sint bona bonitate divina. | 4. 万物は神の善性によって善か。 |

ARTICULUS PRIMUS

UTRUM ESSE BONUM DEO CONVENIAT

I SCG., c. 37; XII Metaphysic., l. 7.

第一項 善であることは神に適合するか

AD PRIMUM SIC PROCEDITUR. Videtur quod esse bonum non conveniat Deo. Ratio enim boni consistit in modo, specie et ordine. Haec autem non videntur Deo convenire, cum Deus immensus sit, et ad aliquid non ordinetur. Ergo esse bonum non convenit Deo.

PRAETEREA, bonum est quod omnia appetunt. Sed Deum non omnia appetunt, quia non omnia cognoscunt ipsum, nihil autem appetitur nisi notum. Ergo esse bonum non convenit Deo.

SED CONTRA EST quod dicitur *Thren.* III, *bonus est dominus sperantibus in eum, animae quaerenti illum.*

RESPONDEO DICENDUM quod bonum esse praecipue Deo convenit. Bonum enim aliquid est, secundum quod est appetibile. Unumquodque autem appetit suam perfectionem. Perfectio autem et forma effectus est quaedam similitudo agentis, cum omne agens agat sibi simile. Unde ipsum agens est appetibile, et habet rationem boni, hoc enim est quod de ipso appetitur, ut eius similitudo participetur. Cum ergo Deus sit prima causa effectiva omnium, manifestum est quod sibi competit ratio boni et appetibilis. Unde Dionysius, in libro *de Div. Nom.*, attribuit bonum Deo sicut primae causae efficienti, dicens quod bonus dicitur Deus, *sicut ex quo omnia subsistunt.*

第一に対しては、次のように進められる。善であることは、神に適合しないと思われる。なぜなら、善の概念は、限度、形象、秩序において成立する。しかるに、これらが神に適合するとは思われない。なぜなら、神は限度がなく、どんなものへも秩序付けられないからである。ゆえに、善であることは神に適合しない。

さらに、善とは、万物が欲求するところのものである。しかるに、万物が神を欲求するわけではない。なぜなら、万物が神を認識するわけではないが、知られたものでなければ、なにも欲求されないからである。ゆえに、善であることは、神に適合しない。しかし反対に、『哀歌』三章で「主へ求める人々にとって、主を求める魂にとって、主は善い」¹⁾とされている。

答えて言わなければならない。善であることは、とくに、神に適合する。理由は以下のとおり。何かあるものは、それが欲求されうる限りにおいて、善である。しかるに、各々のものは、自らの完成を欲求する。ところで、結果の完成と形相は、働くものなんらかの類似である。なぜなら、すべて働くものは、自らに似たものを生み出すからである。したがって、働くもの自身は、欲求されうるものであり、善の性格をもつ。つまり、それ（働くもの）について欲求されるのは、「その類似が分有される」ということである。そういうわけだから、神は万物の第一作出因なので、善や欲求されうるという性格が、神に適合することは明らかである。このことから、ディオニュシウスは『神名論』で、「そこから万物が存在するものとして、神は善と言われる」と述べて、第一作出因としての神に、善を帰属させている。

1) 「主に望みをおき尋ね求める魂に主は幸いをお与えになる。」(3:25)

Ad primum ergo dicendum quod habere modum, speciem et ordinem, pertinet ad rationem boni causati. Sed bonum in Deo est sicut in causa, unde ad eum pertinet imponere aliis modum, speciem et ordinem. Unde ista tria sunt in Deo sicut in causa.

Ad secundum dicendum quod omnia, appetendo proprias perfectiones, appetunt ipsum Deum, in quantum perfectiones omnium rerum sunt quaedam similitudines divini esse, ut ex dictis patet. Et sic eorum quae Deum appetunt, quaedam cognoscunt ipsum secundum seipsum, quod est proprium creaturae rationalis. Quaedam vero cognoscunt aliquas participationes suae bonitatis, quod etiam extenditur usque ad cognitionem sensibilem. Quaedam vero appetitum naturalem habent absque cognitione, utpote inclinata ad suos fines ab alio superiori cognoscente.

第一に対しては、それゆえ、次のように言われるべきである。限度、形象、秩序をもつことは、なんらかの原因によって生み出された善の性格にあてはまる。しかし、善は、神の中に、原因の中にあるようなかたちである。このことから、神には、他のものどもに、限度、形象、秩序を与えることが属する。したがって、これら三つは、原因のなかにあるようなかたちで、神の中にある。

第二に対しては、次のように言われるべきである。すでに言われたように、すべての事物の完全性が、神の存在の一種の類似であるかぎりにおいて、万物は、自分に固有の完全性を欲求することによって、神そのものを欲求している。このように、神を欲求するものどもの中で、あるものどもは、神を神自身において認識する。これは、理性的被造物に固有のことである。また、あるものどもは、神の善性のなんらかの分有を認識するが、これは、感覚的な認識までも広がる。さらにあるものどもは、認識なしに、自然本性的な欲求をもつ。たとえば、他の上位の認識者によって、自らの目的へと傾かされるものどものように。

ARTICULUS SECUNDUS

UTRUM DEUS SIT SUMMUM BONUM

II Sent., d. 1, q. 2, a. 2, ad 4; I SCG., c. 16.

第二項 神は最高善か

AD SECUNDUM SIC PROCEDITUR. Videtur quod Deus non sit summum bonum. Summum enim bonum addit aliquid supra bonum, alioquin omni bono conveniret. Sed omne quod se habet ex additione ad aliquid, est compositum. Ergo summum bonum est compositum. Sed Deus est summe simplex, ut supra ostensum est. Ergo Deus non est summum bonum.

PRAETEREA, bonum est quod omnia appetunt, ut dicit philosophus. Sed nihil aliud est quod omnia appetunt, nisi solus Deus, qui est finis omnium. Ergo nihil aliud est bonum nisi Deus. Quod etiam videtur per id quod dicitur *Matth. XIX*, nemo bonus nisi solus Deus. Sed summum dicitur in comparatione aliorum; sicut summum calidum in comparatione ad omnia calida. Ergo Deus non potest dici summum bonum.

PRAETEREA, summum comparationem importat. Sed quae non sunt unius generis, non sunt comparabilia; sicut dulcedo inconvenienter dicitur maior vel minor quam linea. Cum igitur Deus non sit in eodem genere cum aliis bonis, ut ex superioribus patet, videtur quod Deus non possit dici summum bonum respectu eorum.

SED CONTRA EST quod dicit Augustinus, I de Trin., quod Trinitas divinarum personarum est summum bonum, quod purgatissimis mentibus cernitur.

第二に対しては、次のように進められる。神は最高善ではないと思われる。理由は以下のとおり。最高善は、善に何かを加える。そうでなければ、すべての善が最高善だということになったであろう。しかるに、すべて、何かに加えることによってあるものは、複合されたものである。ゆえに、最高善は、複合されたものである。しかし、神は、上で明らかにされたとおり、最高度に単純である。ゆえに、神は最高善ではない。

さらに、哲学者が言うように、善とは、万物が欲求するところのものである。しかるに、万物が欲求するところのものとは、神以外にはない。神は、万物の目的なのだから。ゆえに、神以外に善はない。これは、『マタイによる福音書』19章で「ただ神一人を除いて善いものはいない」²⁾と述べられていることによってわかる。しかし、最高ということは、他のものとの比較で言われる。たとえば、最高に熱いものというのは、すべての熱いものとの比較の中で言われる。ゆえに、神が最高善と言われることはできない。

さらに、最高ということは比較を含意する。しかるに、一つの類に属さないものは比較されえない。たとえば、甘さが直線より大きいとか小さいとか言われるのは不適切である。ゆえに、上で述べられたことから明らかな通り、神は他の善と同じ類に属さないのだから、神は、それらの善との関係で最高善と言われることはできない。

しかし反対に、アウグスティヌスは、『三位一体論』第一巻で、「神のペルソナの三位一体は最高善であり、もっとも清らかな精神によって見られる」、と述べている。

2) 「イエスは言われた。「なぜ、善いことについて、わたしに尋ねるのか。善い方はおひとりである。もし命を得たいのなら、掟を守りなさい。」 (19:17)

RESPONDEO DICENDUM quod Deus est summum bonum simpliciter, et non solum in aliquo genere vel ordine rerum. Sic enim bonum Deo attribuitur, ut dictum est, inquantum omnes perfectiones desideratae effluunt ab eo, sicut a prima causa. Non autem effluunt ab eo sicut ab agente univoco, ut ex superioribus patet, sed sicut ab agente quod non convenit cum suis effectibus, neque in ratione speciei, nec in ratione generis. Similitudo autem effectus in causa quidem univoca invenitur uniformiter, in causa autem aequivoca invenitur excellentius, sicut calor excellentiori modo est in sole quam in igne. Sic ergo oportet quod cum bonum sit in Deo sicut in prima causa omnium non univoca, quod sit in eo excellentissimo modo. Et propter hoc dicitur summum bonum.

AD PRIMUM ERGO DICENDUM quod summum bonum addit super bonum, non rem aliquam absolutam, sed relationem tantum. Relatio autem qua aliquid de Deo dicitur relative ad creaturas, non est realiter in Deo, sed in creatura; in Deo vero secundum rationem; sicut scibile relative dicitur ad scientiam, non quia ad ipsam referatur, sed quia scientia referatur ad ipsum. Et sic non oportet quod in summo bono sit aliqua compositio, sed solum quod alia deficiant ab ipso.

答えて言わなければならない。神は、事物のなんらかの類や秩序において最高善であるだけでなく、端的に、最高善である。すでに述べられたように、善が神に帰せられるのは、欲求されるすべての完全性が、第一原因としての神から流れ出るかぎりにおいてである。ところで、上述のことから明らかのように、神から流れ出るのは、一義的作用者から流れ出るようにではなく、種の性格においても類の性格においても、その結果と一致しない作用者から流れ出るようにである。しかるに、一義的原因の中に、結果の類似は一樣に見出されるが、異義的原因の中に、(結果の類似は)より優れたかたちで見出される。ちょうど、熱が、火においてよりも太陽において、より優れたかたちで存在するように。ゆえに、このように、善は神の中に、万物の一義的でない第一原因の中にあるようなかたちであるのだから、神の中に、(善は)もっとも優れたかたちで存在しなければならない。そしてこのために、(神は)最高善と言われる。

第一に対しては、それゆえ、次のように言われるべきである。最高善は、善に、無条件的(非関係的)ななんらかの事物を加えるのではなく、たんに関係を加えるだけである。ところで、被造物にたいして、神について何かが関係的に言われるとき、その関係は、神においては実在的でなく、(実在的なのは)被造物においてであり、これに対して、神においては、概念においてのみある。それはちょうど、「知られうる」ということが、知に対して関係的に言われるのは、それが知へと関係するからではなく、知がそれ(知の対象)へと関係するからであるようなものである。このように、最高善の中に、なんらかの複合がなければならないというわけではなく、むしろ、他の善が、最高善より劣っているということではなければならないだけである。

AD SECUNDUM DICENDUM quod, cum dicitur *bonum est quod omnia appetunt*, non sic intelligitur quasi unumquodque bonum ab omnibus appetatur, sed quia quidquid appetitur, rationem boni habet. Quod autem dicitur, nemo bonus nisi solus Deus, intelligitur de bono per essentiam, ut post dicitur.

AD TERTIUM DICENDUM quod ea quae non sunt in eodem genere, si quidem sint in diversis generibus contenta, nullo modo comparabilia sunt. De Deo autem negatur esse in eodem genere cum aliis bonis, non quod ipse sit in quodam alio genere; sed quia ipse est extra genus, et principium omnis generis. Et sic comparatur ad alia per excessum. Et huiusmodi comparisonem importat summum bonum.

第二に対しては、次のように言われるべきである。善とは万物が欲求するところのものである、と言われるとき、各々の善が、万物によって欲求される、と理解されるのではなく、欲求されるものはなんであれ、善の性格を持つ、という意味に理解される。これに対して、「一人神以外に善いものはいない」と言われることは、あとで言われるように、³⁾本質による善について理解されている。

第三に対しては、次のように言われるべきである。同じ類の中にないものは、異なる類に含まれているのであれば、どのようなかたちによっても比較されない。しかし、神については、他の善と同じ類の中にあるということは否定されるが、神は、他のなんらかの類にあるのではなく、むしろ神は類の外にあり、すべての類の根源である。かくして、神は、他の善に対して、超越的に（＝限度をはみ出ているかたちで）関係する。このような関係を、最高善は意味している。

3) 次項。

ARTICULUS TERTIUS

UTRUM ESSE BONUM PER ESSENTIAM SIT PROPRIUM DEI

I SCG., c. 38; III, c. 20; *De Verit.*, q. 21, a. 1, ad 1; a. 5; *Compend. Theol.*, c. 109; *de Div. Nom.*, c. 4, lect. 1; in Boet. *de Hebdomad.*, lect. 3, 4.

第三項

善であることは、本質によって神に固有か

AD TERTIUM SIC PROCEDITUR. Videtur quod esse bonum per essentiam non sit proprium Dei. Sicut enim unum convertitur cum ente, ita et bonum, ut supra habitum est. Sed omne ens est unum per suam essentiam, ut patet per philosophum in IV *Metaphys.* Ergo omne ens est bonum per suam essentiam.

PRAETEREA, si bonum est quod omnia appetunt, cum ipsum esse sit desideratum ab omnibus, ipsum esse cuiuslibet rei est eius bonum. Sed quaelibet res est ens per suam essentiam. Ergo quaelibet res est bona per suam essentiam.

PRAETEREA, omnis res per suam bonitatem est bona. Si igitur aliqua res est quae non sit bona per suam essentiam, oportebit quod eius bonitas non sit sua essentia. Illa ergo bonitas, cum sit ens quoddam, oportet quod sit bona, et si quidem alia bonitate, iterum de illa bonitate quaeretur. Aut ergo erit procedere in infinitum, aut venire ad aliquam bonitatem quae non erit bona per aliam bonitatem. Eadem ergo ratione standum est in primo. Res igitur quaelibet est bona per suam essentiam.

SED CONTRA EST quod dicit Boetius, in libro *de Hebdomad.*, quod alia omnia a Deo sunt bona per participationem. Non igitur per essentiam.

第三に対しては次のように進められる。本質によって善であることは、神に固有ではないと思われる。理由は以下のとおり。上で述べられたとおり、「一つのもの」と「存在するもの」が置換されるように、「善いもの」も「存在するもの」と置換される。しかるに、『形而上学』第4巻の哲学者によって明らかとなり、すべて存在するものは、本質によって一つのものである。ゆえに、すべて存在するものは、本質によって善いものである。

さらに、もし、善は万物が欲求するところのものであるとすれば、存在そのものは万物によって欲求されるのだから、どんな事物であれその事物の存在そのものが、そのものの善であろう。しかるに、どんな事物も、その事物の本質によって、存在するものである。ゆえに、どんな事物も、その事物の本質によって、善いものである。

さらに、すべての事物は、その事物の善性によって善である。ゆえに、もし、自らの本質によって善でないような事物があれば、その善性は、その事物の本質ではないことになろう。ゆえに、その善性は、なんらかの存在するものなのだから、善でなければならず、また、もし、他の善性によって善なのであれば、さらにその善性について問われることになろう。ゆえに、それは無限に進行するか、他の善性によって善なのではない善性に到達するかのいずれかである。ゆえに、同じ理由によって、最初のところにとどまるべきである。ゆえに、どんな事物も、その事物の本質によって善である。

しかし反対に、ポエティウスは、『デ・ヘブドマディプス』という書物で、神以外の全てのものは、分有によって善である、と述べている。ゆえに、本質によって善なのではない。

RESPONDEO DICENDUM quod solus Deus est bonus per suam essentiam. Unumquodque enim dicitur bonum, secundum quod est perfectum. Perfectio autem alicuius rei triplex est. Prima quidem, secundum quod in suo esse constituitur. Secunda vero, prout ei aliqua accidentia superadduntur, ad suam perfectam operationem necessaria. Tertia vero perfectio alicuius est per hoc, quod aliquid aliud attingit sicut finem. Utpote prima perfectio ignis consistit in esse, quod habet per suam formam substantialem, secunda vero eius perfectio consistit in caliditate, levitate et siccitate, et huiusmodi, tertia vero perfectio eius est secundum quod in loco suo quiescit.

Haec autem triplex perfectio nulli creato competit secundum suam essentiam, sed soli Deo, cuius solius essentia est suum esse; et cui non adveniunt aliqua accidentia; sed quae de aliis dicuntur accidentaliter, sibi conveniunt essentialiter, ut esse potentem, sapientem, et huiusmodi, sicut ex dictis patet. Ipse etiam ad nihil aliud ordinatur sicut ad finem, sed ipse est ultimus finis omnium rerum. Unde manifestum est quod solus Deus habet omnimodam perfectionem secundum suam essentiam. Et ideo ipse solus est bonus per suam essentiam.

AD PRIMUM ERGO DICENDUM quod unum non importat rationem perfectionis, sed indivisionis tantum, quae unicuique rei competit secundum suam essentiam. Simplicium autem essentiae sunt indivisae et actu et potentia, compositorum vero essentiae sunt indivisae secundum actum tantum. Et ideo oportet quod quaelibet res sit una per suam essentiam, non autem bona, ut ostensum est.

答えて言わなければならない。ただ神だけが自らの本質によって善である。理由は以下のとおり。各々のものは、完全であるかぎりにおいて善と言われる。ところで、何かの事物の完全性は、三通りにある。第一の完全性は、それが、自らの存在において立てられることにおいてである。第二の完全性は、自らの完全な働きのために必要ななんらかの付帯性が、それに加えられる限りである。また、何かの第三の完全性は、目的としての何か他のものへ到達することによる。たとえば、火の第一完全性は、存在において成立し、(火は)それを自らの実体形相によってもつ。また、火の第二完全性は、熱さ、軽さ、乾燥、その他において成立する。さらに火の第三完全性は、自らの場所に安らうかぎりにおいてある。

これら三とおりの完全性は、どんな被造物においても本質にしたがって属することはなく、ただ神にのみ(本質によって属する)。ただ神の本質だけが、自らの存在であり、神にはどんな付帯性も到来せず、たとえば、すでに述べられたことから明らかなどおり、力がある、知恵があるなど、他のものについて付帯的に言われることが、神には本質的に到来する。さらに、神は、他のどんなものにも、目的へ向かうように秩序付けられていない。むしろ、神がすべての事物の究極目的である。したがって、神だけが、自らの本質にしたがって、あらゆる意味における完全性をもつことが明らかである。ゆえに、神だけが、自らの本質によって善である。

第一に対しては、それゆえ、次のように言われるべきである。「一つのもの」は、完全性という概念を含意せず、ただ不可分という概念を含意するだけである。この不可分ということは、各々の事物に、その本質にしたがって適合する。ただし、単純なものどもの本質は、現実態においても可能態においても不可分だが、複合体の本質は、現実態においてのみ不可分である。ゆえに、どんな事物も、その本質によって一つでなければならないが、すでに示されたとおり、(その本質によって)善でなければならないというわけではない。

AD SECUNDUM DICENDUM quod, licet unumquodque sit bonum inquantum habet esse, tamen essentia rei creatae non est ipsum esse, et ideo non sequitur quod res creata sit bona per suam essentiam.

AD TERTIUM DICENDUM quod bonitas rei creatae non est ipsa eius essentia, sed aliquid superadditum; vel ipsum esse eius, vel aliqua perfectio superaddita, vel ordo ad finem. Ipsa tamen bonitas sic superaddita dicitur bona sicut et ens, hac autem ratione dicitur ens, quia ea est aliquid, non quia ipsa aliquo alio sit. Unde hac ratione dicitur bona, quia ea est aliquid bonum, non quia ipsa habeat aliquam aliam bonitatem, qua sit bona.

第二に対しては、次のように言われるべきである。各々のものが存在をもつかぎりにおいて善であるにしても、しかし、創造された事物の本質は、存在そのものではないので、創造された事物が、その本質によって善だということは帰結しない。

第三に対しては、次のように言われるべきである。創造された事物の善性は、その本質そのものではなく、加えられた何かである。それは、そのものの存在それ自体であるか、あるいは、加えられた完全性であるか、あるいは、目的への秩序である。しかし、そのように加えられた善性は、「存在するもの」と言われるのと同じように、「善いもの」と言われる。しかるに、それが「存在するもの」と言われるのは、それによって何かが存在するからであり、何か他のものによってそれが存在するからではない。そのように、何かが「善いもの」と言われるのは、それによって何かが善いからであって、それが、何か他の善性を持ち、その、他の善性によって、それが善いから、というのではない。

ARTICULUS QUARTUS

UTRUM OMNIA SINT BONA BONITATE DIVINA

I *Sent.*, d. 19, q. 5, a. 2, ad 3; *SCG.*, c. 40; *De Verit.*, q. 21, a. 4

第四項 すべてのものは神の善性によって善か

AD QUARTUM SIC PROCEDITUR. Videtur quod omnia sint bona bonitate divina. Dicit enim Augustinus, VII *de Trin.*, *bonum hoc et bonum illud, tolle hoc et tolle illud, et vide ipsum bonum, si potes, ita Deum videbis, non alio bono bonum, sed bonum omnis boni.* Sed unumquodque est bonum suo bono. Ergo unumquodque est bonum ipso bono quod est Deus.

PRAETEREA, sicut dicit Boetius, in libro *de Hebdomad.*, omnia dicuntur bona inquantum ordinantur ad Deum, et hoc ratione bonitatis divinae. Ergo omnia sunt bona bonitate divina.

SED CONTRA EST quod omnia sunt bona inquantum sunt. Sed non dicuntur omnia entia per esse divinum, sed per esse proprium. Ergo non omnia sunt bona bonitate divina, sed bonitate propria.

RESPONDEO DICENDUM quod nihil prohibet in his quae relationem important, aliquid ab extrinseco denominari; sicut aliquid denominatur locatum a loco, et mensuratum a mensura. Circa vero ea quae absolute dicuntur, diversa fuit opinio.

第四に対しては次のように進められる。万物は神の善性によって善であると思われる。アウグスティヌスは『三位一体論』第7巻で、「この善、あの善、「この」を捨て、「あの」を捨てよ。そしてあなたに可能なら、善そのものを見よ。そうすれば、あなたは神を見るだろう。他の善によって善であるものではなく、すべての善の善であるものを」と述べている。しかるに、各々のものは、自らの善によって善である。ゆえに、各々のものは、神である善そのものによって、善である。

さらに、ボエティウスが『デ・ヘブドマディブス』で述べているように、万物は、神へ秩序付けられるかぎりにおいて善と言われるが、これは、神の善性のためにである。ゆえに、万物は、神の善性によって善である。

しかし反対に、万物は、存在するかぎりにおいて善である。しかし、万物は、神の存在によってではなく、固有の存在によって、存在するものと言われる。ゆえに、万物は神の善性によって善なのではなく、固有の善性によって善である。

答えて言わなければならない。関係を含意するものどもにおいて、何かが外的なものによって命名されることがあってもかまわない。位置にあるものが位置によって、計られるものが尺度によって名付けられる場合のように。これに対して、絶対的に（非関係的に）言われるものどもにかんしては、さまざまな意見があった。

Plato enim posuit omnium rerum species separatas; et quod ab eis individua denominantur, quasi species separatas participando; ut puta quod Socrates dicitur homo secundum ideam hominis separatam. Et sicut ponebat ideam hominis et equi separatam, quam vocabat *per se hominem* et *per se equum*, ita ponebat ideam entis et ideam unius separatam, quam dicebat *per se ens* et *per se unum*, et eius participatione unumquodque dicitur ens vel unum. Hoc autem quod est *per se bonum* et *per se unum*, ponebat esse summum Deum, a quo omnia dicuntur bona per modum participationis.⁴⁾

– Et quamvis haec opinio irrationalis videatur quantum ad hoc, quod ponebat species rerum naturalium separatas per se subsistentes, ut Aristoteles multipliciter probat; tamen hoc absolute verum est, quod est aliquod unum per essentiam suam bonum,⁵⁾ quod dicimus Deum, ut ex superioribus patet. Huic etiam sententiae concordat Aristoteles. A primo igitur per suam essentiam ente et bono, unumquodque potest dici bonum et ens, in quantum participat ipsum per modum cuiusdam assimilationis, licet remote et deficienter, ut ex superioribus patet. Sic ergo unumquodque dicitur bonum bonitate divina, sicut primo principio exemplari, effectivo et finali totius bonitatis. Nihilominus tamen unumquodque dicitur bonum similitudine divinae bonitatis sibi inhaerente, quae est formaliter sua bonitas denominans ipsum. Et sic est bonitas una omnium; et etiam multae bonitates.

たとえばプラトンは、すべての事物の形象が分離したものだとしたが、それらによって、あたかも分離した形象を分有することによってであるかのようにして、個々のものが名付けられるとした。たとえば、ソクラテスは、人間の分離したアイデアにしたがって人間と言われるのである。彼はまた、ちょうど人間や馬の分離したアイデアを措定して、それらを「人間それ自体」「馬それ自体」と呼んだように、有や一の分離したアイデアも措定して、「有それ自体」「一それ自体」と呼んだ。そしてそれらを分有することによって、各々のものは、有や一と言われるのである。さらに彼は、善それ自体や、一それ自体であるものが、最高神だとし、その神によって、すべてのものは、分有というかたちで、善と言われるとした。

この意見は、アリストテレスが多くのしかたで証明しているように、自然的事物の形象が分離して自存するとした点で不合理なものに見えるが、しかし、なにか一つの自らの本質によって善であるものが存在するとした点は、絶対に真である。上述のことから明らかなように、私たちはこれを神と言う。アリストテレスも、この文には同意する。ゆえに、自らの本質によって存在し善である第一のものによって、各々のものは、善いものや存在するものと言われるが、それは、一種の類似化というかたちによって、その第一のものを分有するかぎりにおいてである。ただし、上述のことから明らかなとおり、遠く隔たり不完全にはあるが。それゆえ、このように、各々のものは、神の善性によって善と言われるが、それは、全善性の範型的かつ作出因的かつ目的因的な第一原理によって、そう言われる。しかしそれでもやはり、各々のものは、自分の中にある神の善性への類似によって、善と言われる。それは、形相的に自らの善性であり、それを（「善」と）名付けるものである。このような意味で、万物が所有する一つの善性が存在し、さらに、多くの善性がある。

4) この文は、Leonina 版では次のようになっている。“Hoc autem quod est per se **ens** et per se unum, ponebat esse summum **bonum**. Et quia bonum convertitur cum ente, sicut et unum, ipsum per se bonum dicebat esse Deum, q quo omnia dicuntur bona per modum participationis.”

「さらに彼は、有自体や、一自体であるものが善だとした。そして一同様に、善と有は置換されるので、善そのものが神であると言った。この神によって、すべてのものは、分有というかたちで善と言われる。」

5) quod 以下、Leonina 版では次の通り。“quod aliquid est primum, quod per suam essentiam est ens et bonum.”

「何かが第一のものであり、それは、自らの本質によって有であり善である。」

Et per hoc patet responsio ad obiecta.

これによって、異論に対する解答は明らかである。